

國朝詞綜續編

國朝詞綜續編序

詩之流而爲詞肇始於唐至南北宋而盛自後體製隨時變易

欽定歷代詩餘一百二十卷賅博精審自唐迄明共采詞人九百餘家大旨歸之無邪一言義蘊閎大體裁嚴正焯乎懋矣

國朝人文蔚起詞學之盛亦復遑遑張柳近凌楊高王蘭泉司寇昭代詞綜一書沿竹垞太史詞綜之例搜采大備而百年以來海內詞人鱗集麇萃尙少續刊善本黃君韻甫以文章著稱兩淞尤邃於詞學所箸倚晴樓集漱芳味腴務合閑軌邇來啟門著書日事觚翰取

乾嘉以來詞綜未及登者蔚成巨編其規式悉依竹垞
蘭泉兩先生選本故名之曰詞綜續編集中詞人幾及
六百家君嘗言詞選最少而詞學則嘉道閒尤盛兼羅
博收以防湮沒宗草窗絕妙好詞叔陽花庵詞選例也
夫白雲黃竹卻曲迷陽雅騷之餘代有謠唱古不以詞
名而詞意已濫觴於是凡皆不詭於正而已是編所錄
悉以雅麗蘊藉爲準求合乎無邪之旨庶使工於詞者
知我

朝文治蒸蒸經術詩賦而外詩餘一家亦實能超軼曩
軌津逮來學鼓吹揄揚體莫大焉豈直發潛闡幽其苦
心爲不可及哉書成索予言因約其大概而爲之序年

愚弟吳縣潘曾瑩撰

序

長短句肇自唐人顧其時如李青蓮之菩薩蠻憶秦娥
白樂天之竹枝柳枝張志和之漁父等篇皆載之詩集
不別爲一體洎乎五季詞格乃成其歧爲別集始於馮
延巳之陽春詞其彙爲總集則始於趙崇祚之花間集
自宋初以迄明季選家林立雅俗互陳

國初吾禾朱檢討鏡尊采輯唐宋金元詞五百餘家編
爲詞綜一書於各家專集及諸選本外凡裨官野紀中
有片詞足錄者輒爲掇拾故多他選未見之作

四庫全書總目稱其簡擇不苟遠勝花間草堂諸編迨
嘉慶初青浦王侍郎昶復有

書晚出不及登諸

四庫而近世倚聲家之奉爲準則則一如檢討之書顧自嘉道以還詞人輩出名章儻句流播旗亭而未有舊叢之本吾友海鹽黃君韻甫病之於是採摭討議研覃數年纂成

國朝詞綜續編其姓氏已載前編者概不復列有補人而無補詞得五百八十六家凡二十有四卷甄錄澄汰一踵前規以繼侍郎者繼檢討遂以集千古詞學之大成韻甫篤學好古自其少時已擅文譽尤工倚聲分別節度窮極窈眇所撰詩古文辭及其他著述填溢篋笥

其女聳宗子城太守爲言咸豐辛酉賊再陷浙兩家相
攜引避鄰邑一夕寇至倉皇具舴艋既盡室以行矣子
城乘間復返至則逆旅主人先行曠黑無所覩觸手得
一篋攜之出則是集橐本在焉後三年韻甫歿無子又
八年子城謀梓是集屬予重加訂證而校讐點勘之役
則屬之諸遲菊孝廉嗟乎粵逆之亂幾遍海內舊家藏
橐散佚殆盡獨是集於轉徙流離之際歷劫幸存又得
子城刊布而昌明之蓋不獨詞客有靈要亦檢討侍郎
之靈有默爲呵護者矣昌黎云莫爲之前雖美弗彰莫
爲之後雖盛弗傳今是編告成適際

武功大定文治日新他日重開

四庫行見與侍郎之書同登

天祿又不僅倚聲家之奉爲準則爾矣是爲序同治壬申十月平湖張炳堃

國朝詞綜續編序

自秀水朱竹垞太史選唐宋金元人詩餘爲詞綜三十卷後之言詞者咸取則焉繼之者青浦王蘭泉少司寇復選詞綜補人二卷明詞綜十二卷

國朝詞綜四十八卷以補太史之所未及海鹽黃韻甫先生旁搜博採始順治訖咸豐集

國朝詞家之大成爲詞綜續編二十四卷補少司寇之所未備嗚呼盛矣先生文名卓著冠絕一時而是編之取舍大旨潘星齋侍郎張鹿仙都轉已詳言之不復贅余獨論是書之存有異焉者先生薈萃羣書歷十餘稔採取五百餘家彙鈔成帙將謀付梓而粵賊擾及江浙

藏書家罔不焚如棄如先生以謄錄得縣令官湖北凡生平稿本悉付其婿宗子城太守子城居杭之候潮門外倉皇避寇挈眷遠徙將去而復返視其家無一物可攜持者顧几上有書一囊遂挾而出藏諸行篋蓋卽先生所付諸稿本也他日與先生眷屬同徙鄰邑一夕寇至是書又失而復得事詳子城題跋中先生游鄂久子城亦避難而來旅况蕭條無力開雕迨先生檄委宜都繼署松滋期滿回省遂歸道山又無子子城爲歸其棺先生所著倚晴樓詩詞集及帝女花桃溪雪諸傳奇子城已次第刊行之蓋距先生之歿已踰十年而海內詞人日新月盛有爲是編所未及甄錄者子城又屬鹿仙

都轉從而增訂之是書得蔚成鉅觀而無憾然則是書之存殆先生精靈之所呵護而不令其銷沈磨滅也夫亦異矣梓旣成余嘉子城付刻之功與汪氏晉賢之刻詞綜埒而遲菊勘讎之力亦與周子柯子同其勞也爰紀其顛末而爲之序同治十二年歲次癸酉夏六月永康胡鳳丹序於鄂垣之紫藤仙館

序

國朝詞綜之有續編也韻甫黃先生實剏之網羅百家
紀錄當代穠纖畢具堙翳罔闕旣免楚炬之難未謀宋
剏之精遺書在篋荏冉十稔宿艸已豐縣邈百武悲已
爰逮客臘羣圖贊成都轉張公從爲致募同里宗丈實
任剏刪走以不敏厠顓校勘越歲葺工屬之贅序余維
鵠冠之飾資以眾羽狐襲之輝集諸千腋良以雜組匪
獨繭之剏良琴有百衲之稱物固如斯文亦宜爾是故
岑樓命友事剏昭明文苑裒華繼之李昉填詞後起扶
擇載餘花閒艸堂蜚聲於曩詰竹垞蘭泉標雋於今世
外此種別愜心尙奢然而蛾眉動魄則倩盼之兒不同

芳艸說魂而馥馨之氣各異譬諸秦鑑受影難絕鹽嫫
之來秋蘭被塗孰禁蕭艾之長詞選之難厥蔽惟五夫
其翠譔紅笑好技豔歌粉怨珠噉但羅妍唱溺志丁孃
之索塞耳秀師之詞雅音不存哇響競奏古怨寫意閒
情署題此則強鬚眉之容塗飾粉黛襲閨房之語評隲
履舄此一蔽也或者矯宗辛劉蔑視秦柳縈牘魄壘乏
縱橫之才連篇跼蹐無雄放之氣謂寶瑟不韻矜其筆
琶謂瓊琚可捐崇其劍佩斯猶褒牖畸士引怒繩爲鼓
吹幽并少年結屠狗爲賓客此一蔽也迺至抗心邁古
肆力式靡吹花嚼蕊相炫虛華模山範水自詫澹遠眇
姜史之清俊等郊島之寒儉韻要眇而不幽思纏綿而

易盡是謂宋子名句僅此蘋末見賞南威淑姿必以蓬
葆稱嫩此又一蔽也握玉麈者惑清談之習唱銅鞮者
忘正始之源鬲指之聲訾石帚多事殺尾之字以夢窗
太嚴取快喉舌毀棄鍾呂又何啻冠笏倚胡牀之座絃
匏攬羯鼓之撾是曰踰閑難語同律則亦一蔽也又吹
求過刻驚博或夸光耀沈落非無天外一鶴之表聲氣
標榜不皆春初萬花之觀謝客山居未登削簡南郭朝
位乃備吹竽沉之潮汐軒流則羈雜蚌蠣培塿孤峙而
希樹松柏此雖賢者之過亦一蔽也今茲選錄悉祛五
蔽祖國風之好色體楚辭之緣情秋風起而雲飛明月
墮而煙語擊轅之節迺中韶濩叩槃之音斯協宮徵遐

邇傳述凡飲水而能調甲乙秩如可畫壁而賭唱以之
韻顏宋元研索顯晦哲人有作靡得而譏下走幼耽舒
歎長習徒歌江湖尊酒之游遭之而未已風水霓裳之
聽譜之而不成輒敢麥騁筆舌攻彈雅鄭夏蟲之知疇
責冰雪斥鷃之笑不踰枋榆其說得毋愼乎嗟嗟先生
往矣知音蓋希秋水樓臺閨寂無主曉風楊柳詠嘗有
人所願後之斫鱸取芳聚珠成采者引伸其琴趣循守
其玉律匪特繼承之功易抑亦先生之志與

同治十二年閏月錢塘諸可寶遲鞠甫識於鄂州寓廬

均甬先生小像

諸可寶堂撰



貌瘠而脩高顴削頤而炯
炯雙眸是能讀三墳五典八
索九邱而位屈于百里侯吾
知天之所以信子者固將壽
文章以千秋

同治壬申中秋

年愚弟何國琛題



國朝詞綜續編卷一

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

李昌垣 三首

孫允恭 一首

董文驥 一首

錢珵 一首

周積忠 一首

宋寶穎 一首

賀寬 一首

錢陸燦 一首

張一鵠 一首

束廣 一首

趙鑰一首

王又旦一首

黃京一首

董含一首

孫鉢一首

管捷一首

葉世倌一首

徐允貞一首

王馨一首

季式祖一首

查容三首

丁裔沆二首

喬萊一首

湯思孝一首

陳孝逸一首

吳曹直一首

張台柱一首

李葵生一首

顧景星一首

孔衍棧一首

孔毓埏二首

湯寅二首

賀國璘

三首

賀對達

二首

蔡文熊

一首

張發祖

一首

葛筠

三首

荆摺

二首

徐賓

一首

金烺

一首

吳秉鈞

一首

林企忠

二首

閔榮

一首

邵錫榮

一首

諸葛義和

一首

黃儀

二首

王一元

二首

李昌垣

字長文宛平人順治四年進士官侍讀

鴈鵠天

重陽晚眺遇雨

十里平蕪帶晚霞蕭蕭歸雁宿汀沙雨迷村外行人渡

花滿溪南處士家 思往事負年華夢魂飄泊任天涯
西風吹換江州鬢獨醉東籬數暮鴉

南鄉子

秋窗獨宿

風急透疏櫺翠帳香消夢乍驚獨擁寒衾疑是客淒清
露冷桐花月滿庭 四壁亂蛩鳴古寺鐘聲半夜鐙偶
憶舊時今夕約傷情起弄秦箏曲未成

踏莎行

冬懷

翠幙煙沈珠簾月小枝頭未雪梅開早凭闌無計遣新
愁亂鴉飛盡歸鴻杳 霜杵敲寒風鐙破曉漏聲滴盡
鐘聲悄香殘酒醒不成眠流蘇好夢天涯少

孫允恭

字子肅丹陽人順治
六年進士官按察使

菩薩蠻 新柳

眉痕淡蹙嬌無力，依依欲向愁邊說。
腰細不勝春，東風愁殺人。
隋隄人去後，秀色還依舊。
倦起倩誰憐，風風雨雨天。

董文驥

字玉虬，武進人。順治六年進士，官御史。

憶王孫

春閨

空庭芳草憶王孫，高院梅花早閉門。
欲報私書帶淚痕，正銷魂。
春風春雨又黃昏。

錢理

字紫曜，武進人。有白雪齋詞。

南歌子

春暮

怕對韓憑魄，愁聽蜀帝魂。
柳綿吹盡閉朱門，斜倚鳳花。

國朝詞綜續編

卷一

三

簫局度黃昏

周積忠

字子厚
松江人

生查子

昔年君在時
兩兩飛春蝶
同倚玉紗窗
不道還離別
今年君去時
楊柳花如雪
酒後憶前情
那忍看明月

宋寶穎

字既庭
長洲人
順治八年舉人

鷓鴣天

新闢

南浦驚鴻賦洛神
牀前銀燭照佳人
海棠乍溼胭脂雨
荳蔻輕翻蛺蝶春
百寶帳鏤金裙
綠楊鶯囀畫堂曛
合歡羅勝初裁翦
低喚卿卿細不聞

賀

寬

字瞻度
號拓菴
丹陽人
順治九年進士官大理寺評事

沁園春

與吳門錢均隱話舊

天懶雲癡積雨經旬孤舟未回想楊梅紅綻火齊顆顆
枇杷黃綴金彈纍纍著屐難行西園何在情思昏昏眼
倦開淒涼甚偶閒評往事節節堪哀當年興致佳哉
儘狂客風流好放懷憶湘靈年少錢山銘諧辭雋語虎頭
癡絕傅來吏部酒急詩催花裏韋孃樓頭子晉吳四孃王昭
一曲新歌暖玉杯經過處只牆牽蘿薜徑掩莓苔

錢陸燦

字爾敬常熟人順治十四年舉人有圓沙集

鷓鴣天

北固晚眺

楊柳蕭條水拍天漁舟落網就人煙野田一半連魚鳧
估客逢迎換蜃船南郭璞北焦先西風窸到葉紅邊

莫將日暮登臨恨去聽伊家十四絃

張一鵠

字友鴻華亭人順治十五年進士官司李有春詞秋詞

生查子

春閨

愁生芳草煙不共飛花埽雛鳥試春嬌睡起添煩惱
妝已成香未了簾捲晴光好一望柳條新遮住斜陽道

東

廣

字疎先號雲菴丹陽人順治十四年副貢有池上生詞草

生查子

閨思

相思懶下牀春夢迷蝴蝶入柳又穿花去去輕如葉
可堪歧路長不道關山隔無賴是黃鸝喚起空愁絕

趙

鏞

字千門號南金萊陽人順治十五年進士官司李

浣溪紗

春懷

二月輕寒江上知黃昏驛舍雨絲絲燭花人影兩相歆
柳挾黛煙千縷散桃霏紅雨一枝垂晝長香閣憶當
時

王又旦

字幼華號黃湄邵陽人順治十六年進士改庶吉士

浣溪紗

紅橋懷古和阮亭韻

幾點漁航映碧流羣鳬野浦叫清秋隋家宮闕是揚州
山外寒煙封舊恨亭前暮雨滴新愁何人吹笛酒家
樓

黃

京

字初予武進人有續花菴詞

浣溪紗

月滿閒庭玉漏遲檻前疏竹影參差夜深秋氣到階墀

閉閣細尋愁裏夢挑燈重看寄來詩倚屏無語斷腸時

董

含

字閬石松江人順治十八年進士有藝葵草堂稿

點絳脣

晚妝

燕語鶯啼困人天氣當初夏斜陽欲下樓上閒妝罷

漸漸黃昏霜冷鴛鴦瓦冰蟾挂濃熏蘭麝笑撚冰綃帕

孫

鉢

字古喟嘉善人順治十八年進士

浣溪紗

贈妓

蘭比風姿蕙比心畫樓人倦罷金鍼霓裳一曲古瑤琴

細小鶯聲愁雨滑淡黃楊柳怕秋深蘼蕪隨處悔教

尋

管

捷

字膚公吳縣人順治十八年進士

鷓鴣天

贈歌姬

曲院疎簾笑倚筵，
搓瓊撚玉露華鮮。
柘枝未舞閒拈帶，
金縷纔歌怯應絃。
鶯睨睨，燕翩翩，
應將顧誤博人憐。
最愁絳蠟消殘處，
夢作巫雲一縷煙。

葉世倌

字星期吳江人

浣溪紗

秋林晚眺

簾捲回廊挂玉弓，
草根切切響吟蟲。
前林黃葉起西風，
橘刺牽衣花架礙，
菱絲織水畫橋通。
釣魚船尾小鐙紅。

徐允貞

字麗沖松江人

鳳凰臺上憶吹簫

聽雨

柳溼迴塘煙迷曲院簾櫳半作秋聲况黃昏時候影暈
孤鐙倦倚闌干無伴驚幾陣斷續簷鈴難排遣閒拋玉
子斜按銀箏淒清瀟湘何處任蕉扇荷裳繞徧池亭
看無情芳草南浦青青樓外遠山沈翠應似我愁夢難
醒疏簾外蕭蕭未休寒透窗櫺

王

著

字必草
秀水人

郭頻伽曰朱鐵門於金陵市中得詩稿二冊
其人爲秀水王必草詩中有與曹實菴王昊
廬高念祖倡和意是國初人也後附小詞
數闕其卜算子詞甚工

卜算子

送別

明月送君來新鷺催君去莫恨無情雨與風爲我留君

住 畢竟去難留怕譜傷心句萬疊青山一綫愁秋草
殘陽路

季式祖

字季公泰興人官縣丞有吏隱詞

一翦梅

初長天氣困人時花一枝枝柳一枝枝朝來慵起夜眠
遲日上窗兒月上窗兒 沈郎漸減瘦腰支愁也絲絲
淚也絲絲不堪訴說是相思有箇人知沒箇人知

查容

字韜荒號漸江海寧人布衣有漸江集浣花詞

陳廷敬序曰君少時應童子試於有司例有搜檢君怒曰朝廷以之取士而有司以不肖待人人之不肖固至此耶遂不應試以布衣終生有異稟讀書經目不忘以文名於世

金縷曲

追答李十九沅南見寄次朱十原韻

少日壚頭醉正飛揚不知嵇阮何論高李七載浮萍分
南北遙想真如天際問雙鯉蠻箋誰寄金筑風煙珠海
月數交游脫畧空時輩吟未罷色先喜江潭行處多
顛顚况年來鬢絲漸長舌鋒虛敝老屋三間渾無賴唯
有高眠而已看世上紛紛兒子玉柱朱絃彈絕調更何
人好事傳流水想作者可知矣

小重山

與徐髯話舊

詩酒清狂二十年兩心同一意轉相憐吳頭楚尾路三
千東西望消息總茫然紅雨送歸船依依情話久又
樽前棟花風起夕陽天春如水流恨到誰邊

燭影搖紅

長水女郎

鬆鬢新梳隨身小鏡看還又玉蔥時露玉樽前尙覺花
枝瘦欲唱眉峯頻皺唱將殘眼波微溜今宵翠被後
夜青鐙可知紅豆

丁裔沆

字函巨嘉善人監生有香草堂詩詞

黃韻甫曰先生爲魏塘世胄弱歲能文瓌麗絕俗黃九煙稱其銘漢魏之精入初唐之治姜西溟至欲鈔其集代王孝伯下酒物爲四方名士推重如此康熙初徐學士乾學舉應鴻博以親老不赴性慷慨好施以是家日落死之日圖書數篋而已集燬於火存者十之一耳

虞美人

別思

磯頭月出明如練花照春風面歌聲催上木蘭舟無那
玉簫金管盡離愁征帆卻共晴雲挂路轉春山罅歸

來亭畔柳依依應記盧家艇子石城西

滿庭芳

秋江夜怨

煙接平岡帆沈遠浦斜陽紅樹蕭蕭啼鴉影裏秋迴雁
聲高惆悵江南詞客青衫淚又灑河橋蕪城遠寒鐙斗
酒蛩語伴離騷迢遙思往事雲迷漢壘月照秦濠歎
五陵裘馬空滿蓬蒿多少古今幽怨羊腸路九折倬鑣
琴心悄移情海上落葉待歸潮

喬

萊

字子靜號石林實應人康熙六年進士舉鴻博官翰林侍讀有使粵諸集

鷓鴣天

僻處門無剝啄聲故人何幸款柴荆因山架屋苔常滿
倒樹成橋葉尙生新筍迸午風平飛花誤入煮茶鐙

翛然相對清如水坐聽林間春鳥鳴

湯思孝

字次曾
宜興人

荷葉杯

看盡夕陽西去無語何處玉簫聲秋風吹送未分明
莫也訴離情
簾外草深蟲絮微雨蘸破碧波天輕
執記得共凭闌雲月似當年

陳孝逸

字少游
臨川人

人月圓

弔古

吳宮蒲柳青如故燕子話空梁江南多少無情花月誰
識滄桑
山河入眼歌騷譜怨銜恨君王楊花一曲梨
花半樹太覺倉黃

吳曹直

字以異宜興人舉人有秋英詞

多麗

桂花下作

嫩涼天西風徧滿郊原正樓頭輕羅欲冷沆瀣秋氣堪
憐綠陰稀漸彫黃葉亭皋下落盡紅蓮秉燭心期褰裳
逸興小山叢桂最清妍招尋處陵霜挺秀秋思在花前
欣滿座酒徒飛屑惱聽鳴蟬對芳樽香浮金粟晚風
吹出嬋娟喜幽芬疑招月魄餐沆瀣好共花眠今日相
逢明年此會知予萍梗在誰邊多應向水程山驛茸帽
控絲鞭花如憶年年聚散怕也潸然

張台柱

字砥中錢塘人有洗鉛詞

賀新郎

感懷爲袁籙菴先生賦

歲月難留住歎回頭功名萬里盡成塵土我已銀絲生
雙鬢何況秋孃眉嫵待還問舊時歌舞無限傷心言不
得解金貂且醉青樓暮歌乍闕淚如雨西風歷歷傳
更鼓倩江頭曉來鴻雁漫催行路十五年間天涯客纔
是歸來一度早又向北燕南楚馬上濛濛寒雨下指萬
山樹黑無人處獨自箇掉鞭去

李葵生

字西雯
嘉興人

醉花陰

惱亂離腸秋草色人比天涯隔相約柳初黃望到而今
滿樹催殘碧斜陽鴉背西風急判醉眠無力欲待不
思量酒醒香寒怎不思量得

顧景星

號黃公廬州人有白茅堂詞

柳梢青

題邊庭夜宴圖

定遠功名李陵魂魄何處天涯帳外雲山樽前明月
上琵琶長城高隔中華費版築秦家漢家一片金笳
數行榆柳幾陣黃沙

孔衍棧

字炎木號慎先歲貢生官青城縣訓導

憶漢月

紅杏幾株風暖占了黃鸝多半聲聲細雨近清明人倚
綠楊隄畔雙柑兼斗酒游興好又誰拘管漫將愁思
織金梭天際雁鴻書斷

孔毓埏

字鍾與號宏興號翰林院五經博士有蕉露詞

轉應曲

楊柳楊柳送盡行人知否去時雨雪紛紛來日依依曉
春春曉春曉人與綠楊俱老

偷聲木蘭花

桐淚

亭亭孤幹依金井每伴銀牀搖月影不耐秋涼纔見春
歸已斷腸臨風多少無聲淚沾向美人身上膩因甚
傷心只恐將來斷作琴

湯

寅

字谷賓號漁客
丹陽人諸生

最高樓

題張氏隱居

金門路聊自謝牽縈投老趁秋成新巢細認前年燕好
花頻轉去時鶯羨逢迎僧惠遠友於陵時則向柳邊

高咏雪時則向籬邊閒論菊農與圃總忘情草平煙渚
還宜釣雲橫山路不妨行足平生看酒甕與茶鐺

永遇樂

元旦迎春大雪新霽

銀燭舒紅金樽拈碧錦帷寒少綵勝齊簪玉笙微暖處
處辛盤早試尋山館重來竹陰滿徑梅花初老儘春城
珠簾十里盡說豐年佳兆東鄰隊子吳國妖豔百戲
魚龍爭巧過處樓臺擔頭花柳笳鼓移三島從今細數
紅肥綠暗隨著東風都到又贏得兒童笑語今年春好

賀國璘

字天山號遜廬丹陽人由太學生考授州同知有載道堂集飛鴻閣詩餘

滿江紅

答陽羨陳其年時遊都門並寄兄子孟循

天地吾廬更不向山靈問價任來去東風吹遍花開花

謝隨意扶筇邱壑待放懷潑墨煙雲灑笑狂夫自詡句
驚人庸庸者攜柑酒深林罇停絲管唳鶯下放高僧
據座閒鷗入社昨夜江南聞早雁此時塞北嘶秋馬便
因風寄語耦耕人歸來也

鶯啼序

焦山懷古

突兀中流橫柱被焦生雄據君王其奈布衣何三詔催
人不去留得雙峯淩萬里天將一鶴同千古只斷崖孤
嶼撐住驚濤跋扈玉敕模糊石碑剝蝕雷劈痕如鋸
尚依然周鼎斑斕閱盡滄桑無數拱金陵獅象猶存跨
鐵甕魚龍何處到如今冷落江天淒涼雲樹水田漠
漠又見梵宇深深一徑煙霞路忘卻此身今在江心浪

濤間住更上危巒重驚巨浸回頭不覺身如霧望海門
隱隱樓船聚悲笳戰鼓憑渠牧馬揮戈閒殺扁舟漁父
二三狂客千百芳樽莫把興亡訴但問草鋪曲徑花
護前溪鴈掠遙天蝶窺新圃江網魚鮮僧寮茶熟我來
正值三春暮卻萍蹤又問斜陽渡去時長揖山靈應笑
茫茫半生眞誤

洞庭春色

發岳陽雨中過洞庭揚帆二百里泊白魚磯上有湘君祠

駕轂波濤捲旗風雨帝子欲來看東南吳楚乾坤日夜
龍堆貝擁蛟室珠埋明月大江歌嘯後更雲海心胸萬
里開黏天遠正帆檣箭激雪浪高排平生五湖涉徧
向何處醞酒舒懷笑秋瀾彭蠡春流震澤參差池沼畢

竟塵埃供奉拾遺飛艦去問誰復人間八斗才空回望
見湘君山影縹緲銀垓

賀對遠

字兼山丹陽人有轍水軒詞稿

浣溪紗

秋懷

楊柳絲絲已半黃芙蓉如面映朝陽小橋流水繞門牆
雨後遠山晴色好霜邊征雁怨聲長一年愁緒到秋
涼

景物當年自足誇綠楊紅杏是儂家石闌干護四時花
零落只今爭似舊小樓虛受夕陽斜夕陽影裏數歸
鴉

蔡文熊

字楚繹號紉蘭丹陽人

蝶戀花

春暮閨情和李世英

細膩香塵曾學步鏡影圓冰相對憐遲暮風定危花安
不住春歸好爲攜愁去斜捲珠簾新月度小疊紅箋
細署辛酸語柳樣眉痕蕉樣緒銷魂橋在銷魂處

張發祖

字孝舒丹陽人康熙十一年舉人官瀟縣知縣

望遠行

立秋

朝來一陣涼颼度井上梧桐非故瓊簫遺恨執扇懷愁
猶記舊時芳樹雲漸成鱗水共長天凝碧日暮佳人何
許最堪驚明月清砧院宇無據試把涼亭煥館繁華
往蹟從頭數芳樂名如臨春狎客都被蟬聲催去贏得
悲來宋玉登高望遠慘淡此情今古怕天涯衰草別離

風雨

葛

筠

字東之號湘淵丹陽人康熙十四年舉人官長洲教諭有各山藏詞稿

長相思

閨情

惜花殘又花殘拋卻筵篴淚忽彈相思視指環望春
山畫春山空折幽蘭帶露看妝成靜日閒

釵頭鳳

初秋宴坐

梧桐影銀牀井轆轤聲斷空階冷藤花落吹簾幙池塘
蛙響絕勝清柝閣閣中宵寢湘紋枕玉壺香泛深
杯飲涼風弱侵珠箔蕭蕭絡緯疎籬間作索索索

念奴嬌

七夕聞促織

滿庭蘿薜正黃昏冰簟未消殘暑怪殺莎蟲忙底事早

訴傷秋情緒賣盡秋絲拋離翦尺夢斷關山阻征衣須
寄月華未照砧杵卻恨淚溼鮫綃迴文難織何事頻
催苦此夜銀河雙鵲渡天女尙停機杼枕上巫雲屏問
洛浦正好歌金縷空勞淒切一聲聲逗疎雨

荆

摺

字慈衛號盟石又號石門丹陽人布衣有盟石齋集寄醉詩餘

搗練子

花月詞用秦少游韻

香細細影雙雙浪瀉明河浸綺窗私語卻忘聽玉漏解
衣原不藉銀釭

念奴嬌

過洞庭

洞庭青草邊中秋更無一點風色玉界瓊田三萬頃著
我扁舟一葉素月分輝銀河共影表裏俱澄澈悠然心

會妙處難爲君說 應念嶺海經年孤光月照肝膽皆
冰雪短髮蕭疎襟袖冷穩泛滄浪空闊盡挹西山細斟
北斗萬象爲賓客扣舷獨笑不知今夕何夕

徐

賓

字虞門華亭人康熙二十七年進士官給事中有芝雲堂詞

南柯子

昨夜桃飛雨今朝柳作綿曉窗不卷綠珠簾又是亂鶯
曉處惱人眠 鸞匣開妝鏡雲鬢貼翠鈿來看女伴戲
鞦韆幕地一番閒恨入眉尖

金

烺

號雪岫山陰人有綺霞詞

笛家

渡揚子江

沙草拖青汀蘆凝白秋江波靜扁舟擊楫中流半兼天

水勢動地濤聲荆吳九派人
家兩岸西接南徐東連北
固一片征帆亂佛狸祠武帝宅
不禁感傷目斷望遠秣陵形勝
金山落日瓜步洲前鐵甕悲風
石頭城畔回思昔日雄姿英發
都作浪飛蓬轉六代鶯花繁華
佳麗多少浮雲幻空極目對蒼
茫早聽雁行聲喚

吳秉鈞

字炎青山陰人有課鵲詞

海棠春

昨宵枕上堆紅淚聽雨打葉兒
都碎漏靜悄寒生夢破
鎧花墜曉來正憶相思味被
鸚鵡笑人孤睡強起畫
雙眉瘦到春山細

林企忠

字中水號寓園華亭人諸生有翠露軒詞

生查子

寶鴨畫屏深。鸞篆消沈水。纖手試重燃。煙裊成心字。
細縷散隨風。願入君懷裏。不貴寄芬芳。須識纏綿意。

南鄉子

細雨近紗窗。陣陣輕寒怯晚妝。珍重添香深夜語。難忘
紅豆拋殘淚。幾行路遠隔瀟湘。雁信魚書並渺茫。無
限心期何處訴。淒涼絳蠟欺人影。不雙。

閔

榮

字湘衡號漁村德清人
諸生有在笑集詩餘

浪淘沙

記夢

鶯語隔簾櫳。一笑相逢羞人曾記粉頰紅。行過長廊人
小立。月影朦朧。離恨正無窮。細語難終。高唐驚散五
雲同。宗賈扁鵲。

更鐘蘭麝未消鴛枕暖去也恩恩

邵錫榮

字景桓號二峯錢塘人有探西詞

一葉落

夜寂寞單綃薄玉簫聲斷空絃索彩雲招不來皓月窺樓閣窺樓閣驀地思量著

諸葛義和

字西秩號敬亭丹陽人諸生有雲曲山藏集

沁園春

見秋筵有錄余海陵觀劇詞感賦

雲斂巫陽珮解江皋填成小詞縱春風楊柳萬條離緒桃花人面兩處相思玉惜青衫才憐金粉似夢年光暗裏移閒惆悵把冰絃浪撫淚滴金徽愁來獨倚采恩渾不辨心情醉復癡想流觴亭畔波澄似鏡迷仙閣外

山遠如眉名揀香呼姓堪絲繡翩若驚鴻天外飛沈吟
久嘆才人廝養自古同悲

黃儀

字子鴻常熟
人有紉蘭集

吳子律蓮子居詞話鈕玉樵言三吳詞家稱
朱陳兩檢討陳以蒼雄擅奇朱以生新標傳
若黃子鴻可追響東堂齊蹤西麓矣

風流子

柳岸試維舟蒼苔路彷彿認層樓想曉燕催妝春鶯教
伎雲翻舞掌雪噴歌喉誰曾管疎簾難隱笑小扇不遮
羞紫陌塵香重停五馬紅牆月冷悄候千牛風流渾
不作省韶光又去也是事休休忍看雕甍畫棟冷落山
邱但雲去雲來有時有夢花開花謝無地無愁題取斷

腸詞句當我纏頭

水龍吟

霜容莫笑龍鍾少年曾是推豪興高陽伴侶三春逐日
聯鑣飛鐙山北山南芳菲賞遍別尋幽勝記披襟直上
雲峯絕頂渾欲喚青天應誰道多生蹭蹬舊情懷都
來難稱十年回首交游嚼蠟功名墮甌除卻枯吟酒腸
茶膽消磨無剩但秋來猶愛斷鴻聲苦把危樓凭

王一元

字宛先無錫人占籍鐵嶺康熙四十二年進士官內閣中書自訂存詞一千六百餘首釐

爲二十卷名

芙蓉觚集

吳子律蓮子居詞話曰宛先有詞癖顧大半散失然晚年自存稿尙有一千六百餘首之多王選詞綜未及采錄亟登數章以見梗概宛先初爲錢塘趙恆夫給諫吉士所拔仕久

居寄園芙蓉舫集二十卷今在錢塘趙氏

卜算子

無計遣春愁。簾外紅成陣。繡對鴛鴦配並頭。花下長交頸。
欲繡漫停鍼。心上還重省。數盡歸期又不歸。繡著鴛鴦怎。

綺羅香

將別西湖用梅谿韻

對月魂銷。尋花夢短。此地恰逢春暮。絕勝湖山。能得幾回留住。弔蘇小。紅粉西陵。詠江令。綠波南浦。看紛紛。油壁青驄。六橋總是斷腸路。
重來樓上。凝眺指點斜陽。欲下扁舟。歸渡過雨。垂楊換盡舊時眉。嫵牽愁緒。雙燕來時。縈別恨。一鶯啼處。爲情癡。欲去還留。對空樽自語。

國朝詞綜續編卷一終

錢塘宗景藩子城校榘

國朝詞綜續編卷二

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

孔傳商 一首

孔傳中 一首

荆人鳳 一首

吳 檠 三首

趙 昱 一首

金 蓉 一首

孔繼汾 一首

顧光旭 五首

姜 藻 三首

張宗松 三首

王昶

九首

荆大鼎

一首

郭滌

一首

任兆麟

二首

姚鼐

二首

董潮

六首

吳珏

二首

何承燕

二首

余集

一首

張春苞

二首

印昌世

一首

魏晉錫

一首

嚴駿生

二首

陳朗

二首

吳俊

一首

許肇封

一首

劉奎年

二首

顧宗泰

一首

徐志鼎

一首

張誠

六首

程衛芳

二首

陳珏

一首

程瑜四首

張槎二首

宋葆淳一首

汪憲一首

孔傳商

字振予號雪村雍正二年臨雍欽賜縣丞有藕絲詞

憶王孫

無端春色鎖閒庭柳困花慵薄霧輕傍著闌干悄地行
月三更隔院誰家笑語聲

孔傳中

字振一號允執諸生雍正二年臨雍特授冀州知州

人月圓

中秋後一夕

月輪皎潔還如鏡莫說昨宵圓笙歌今夜酒杯今夜相
對嬋娟纖雲微暈一聲鐵笛吹破瑤天斜飛露腳懷
人千里休再閒眠

荆人鳳

字振翔
丹陽人

鷓鴣天

題張天申宅

柳罩荷塘岸種麻土垣崩處積薪遮雞雛護母階留粟
蜂乳分王徑自花 籬引豆屋牽瓜太平生活小煙霞
醉翁植杖攜青笠野水牛亭笑聽蛙

吳槃

字青然
全椒人

乾隆元年博學宏詞科十
年進士官刑部主事有陽局詞鈔其子煥詞

王選前
集已采

吳子律蓮子居詞話云青然詞王選詞綜遺
之其子吳煥荀叔有杉亭詞及學宋齋詞韻

鳳銜盃

花落空廊湘簾覆滴不了畫檐懸溜怪涼雨拖煙綠楊
也爲傷春瘦鎮日把腰圍闕倚屏山看白晝漫閒吟

蜀箋題就正萬轉千迴甘蕉一寸心兒透是骰子安紅豆

霓裳中序第一

青楓冷露泣一抹銀灣光歷亂此日鍼歆綵綫記月地雲階茜裙紈扇雙星夜看又暗中芳序偷換重提起斷腸往事壞壁候蛩歎淒怨擘釵分鈿誰密證凭肩私願如今仙亦不管悵贈枕曉衣玉顏暫漢寄詩何日見怎忘了人間郭翰空凝望魚天皺碧徒倚畫闌畔

點絳脣

簫局煙寒夢魂無據如飛絮殘紅一樹幾點黃梅雨屈戌重重偏放愁來路嘒鵲住王孫何處芳草連天暮

趙

昱

字功千號谷林仁和人貢生乾隆元年舉博學鴻詞有愛日堂集詞一卷

水龍吟

甲辰春暮倚樓見海棠葉底殘花用黃雪舟韻玉几樊榭同譜

飄零又過清明畫簾淺揭湘紋翠雲妝卸卻纖膏餘在
還句蛺蝶睡國色留情紅心訴恨綠陰滿地數芳叢寂歷
一痕殘豔歎春事今休矣無那重攜鳳蠟照妍姿臨
風掩袂垂垂小住婷婷獨殿無多別淚依約丰姿玉肌
香減醉顏紅退悄憑闌不語嬌慵誰伴隔盈盈水

金

蓉

字蘅擷號采江秀水人乾隆十年進士官檢討

解珮令

芷堂煙暝柳灣人靜看輕蓑亂堆漁艇白板橋邊早飛
上玉蟾如鏡愛惺忪滿身花影柴桑清境輞川幽興

把長鑱緩歸三徑穩臥芳檐但覓取深宵酩酊笑紅塵
一鞭秋冷

孔繼汾

字體儀號止堂乾隆十二年舉人十三年幸魯進講特授內閣中書遷戶部主事有行餘詩草詞附

行香子

鐙影將闌衣影還單望星影橫轉闌干蓮籤漏滴數到
更殘更竹廊幽花塢暗草窗寒人意閒閒遠道漫漫
黯離魂千里關山雁聲渺渺夢渚蘆灣況月溶溶雲淡
淡露漙漙

顧光旭

字華陽號晴沙無錫人乾隆十七年進士官至甘涼道有清溪詞一卷

風蝶令

溪上見鴛鴦

鳥柏門前樹，鴛鴦水上家。翠橫波遠漾，輕沙日暮一雙飛。過白蘋花，楊葉侵魚浪，蓴絲上。槩牙都將涼思入琵琶。今夜一襟明月好風斜。

夢江南

京洛繡塵素衣欲化每憶故園溪山幽處偶拈小令有觸卽成異日歸山當相對驪然也

江南好，吟望碧雲低。但是花邊蝴蝶住，更無人處鷓鴣啼。流水客東西。

金縷曲

常熟芙蓉莊紅豆樹明曲江處士手植後歸錢牧齋適牧齋八十稱慶其花盛開結實因以爲瑞有詩載集中今又百餘年矣辛巳秋吾宗培九主政邀同人賦詩皆妍麗可喜余填此曲

尙有前朝樹，幾摧殘無多枝幹。不情風雨可似淮南叢。

桂在零落小山人去問花月而今誰主知有銅仙能下
淚倩淚痕迸作梢頭露紅一顆恨如許不須憑弔傷
今古也知他改柯易葉冰霜正苦半壁江山空故國廬
橘上林誰賦換幾樹冷楓紅舞況自日南遺種外付絳
雲一炬皆塵土華胥夢早應悟

憶秦娥

杏花白人家板屋青山色青山色鳩曉欲雨冷風寒食
單衣小試寒猶怯輕煙不散愁如織愁如織萋萋芳
草水平天碧

蝶戀花

秦淮水榭

玉樹歌闌江月曙小倚紅亭亭在花深處依舊畫船桃

葉渡一條春水鴛鴦路
屏上樓臺陳後主紅是春愁
碧是春愁聚欲問愁深深幾許年年流下空江去

姜

藻

字元章號春江丹陽人乾隆十八年舉人有韻石齋初稿

買陂塘

紅橋懷古

渺邖溝盈盈一帶春暉低映明秀喚將畫舫搖波去靜
啟碧紗窗牖凝眺久愛曲折筠廊蘿館沿溪構紅橋渡
口正人影鶯窺歌塵花擁香沁玉壺酒朱闌繞瑞岸
金波似繡蜿蜒虹臥清溜雷塘煙草無多路試訪迷樓
在否佳詠有問孰繼揚州薄倖樊川後沈吟俯首又殘
笛船迴夕陽簾卸餘意付煙柳

祝英臺近

憶別次印義嶠韻

最銷魂江水渡別恨惹南浦羅袖香分贏得淚如雨當年門外蕭郎至今零落借一帶愁城閒住凭闌覲依舊斷雁西風情悵怕重數一枕梨雲深夜向誰語知他門對江聲舊曾遊處拚夢繞月波東去

南浦

秋水次玉田春水詞韻

涼露散遙川漸西風攪碎白蘋清曉沙淨雁初飛邊愁寄縱有蘆花難埽驚秋意緒柳溪猶聽蟬聲小行盡池塘青已暮不是春時芳草誰人遊倦緇塵夢煙波苦憶萼鱸不了楓色點吳江垂虹路曾記月寒帆到雲湖珮渺蓮娃散去鷗汀悄忍把眼中消息問畫裏悟禪多少

張宗松

字青在海鹽人諸生有捫腹齋詩餘

小重山

贈別

蠟炬將殘酒未空自憐無好計淚痕濃
眼波斜溜臉波紅相思意偏不在言中
此別恨重重幾番辜密約恁時逢
靈犀只許夢魂通天邊月相送鵲湖東

埽花遊

重過硯園有感

舊時門巷記竹樹蕭疏徑荒庭悄幾回昏曉怕淒風苦
雨斷垣傾倒新署圍官補葺經營俱了寸心攬看殘柳
池塘飛絮猶嬾天際雲縹緲聽潑刺魚聲碎萍浮沼
雪泥印爪認分明前度飛鴻曾到燕子重來梁上巢痕
已埽亂塵少比年時畫檐還好

疏影

賦竹影用玉田梅影韻

低檐漏月正檀欒弄影相對幽絕只兩三竿搖暝搖晴
那怕西風敲折疏疏落落牆陰下且莫待黃昏時節慣
攤書綠字欹斜雲過小窗明滅空際纖塵不挂幾番
拂拭處臨水清潔寒雀飛來欲跼難棲轉向花枝唬徹
輕鸞鏡裏誰描得訝壁上琅玕如活又幾時添許微痕
薄暈更留殘雪

王昶

字德甫號蘭泉晚號述菴青浦人乾隆十

九年進士官至刑部侍郎有紅葉江村詞
黃韻甫云先生提倡風雅愛才若渴士藉品
藻以成名者甚衆生平重倫紀尚名節從征
大小金川自科爾沁王以下皆親重之所著
詩詞文集金石萃編湖海詩傳青浦詩傳琴
畫樓詞續詞綜等書皆梓行於世其未刊者
尚數十種論詞亦深得南宋宗旨前輩風流

令人想望

河傳

翠浦香雨梨花飛雪柳花飛絮綠波春草小河橋魂銷
可憐歸路遙 瓊窗話別還斟酒今分手忍聽歌紅豆
上南樓望西洲離愁楚江雲外舟

法曲獻仙音

白苧衫輕青羅扇小約畧春歸時節竹浦橫橋荻溪短
棹曾經去年離別記款語雲屏底匆匆帶愁說 這山
疊問誰遺遡紅題葉空剩取幾點蘚階印屨細檢舊香
羅寫相思付與吟篋冷院黃昏忍更聽玉笛聲咽伴殘
燈孤榻只有一丸涼月

月華清

長至後舟過溧陽作

雪飈蘆花霜酣楓葉枯楊搖曳殘縷一片西風長伴愁
人羈旅宿山城客枕鐙寒過水驛板橋月苦聽取又幾
番哀雁幾聲柔艣篋裏征衫如許望翠黛彎環故鄉
何處矮屋香茅忍負泖湖煙雨須收拾蔗稜瓜塍重料
理竹溪梅鳴歸去把茗箋吟寫小園詞賦

高陽臺

天平山

載酒興輕尋詩筇健芒屨早蹠天平山翫秋眉煙中八
字斜橫么禽警月苔梅謝款東風初語吳鶯看春光過
了燒鐙漸近清明周郎遊記重吟寫歎熏香新荈誰
續茶經一道寒泉飛來空和松聲草堂西崦荒基在念

生涯忍負鷗盟又何時石磴花龕長伴殘僧

遠朝歸

歲暮倪米樓自錢塘來訪留宿山莊窮鐘話舊因填此解

鴉陣曉寒正催作去殘年雪意橋橫疎柳不分仙舟來
樣相看一笑還帶西泠風味長檠底訴分攜兩載舊侶
天際猶憶塵輦東華在小閣平津新詞頻遞雲林顚
顚莫話吳城楚水云有江漢之行老夫老矣料此後圍爐能幾
情難已須住到玉梅香細

曲遊春

登靈巖山

雨後春山濶向峻村西去煙樹零亂蠟屐衝泥傍禪林
試訪館娃宮苑幾曲寒松偃問石徑采香人遠歎當年
玉井銀牀都付蒼苔碧蘚悽惋繁華夢短剩響屐廊

邊幽鳥嘯怨重上翠臺望孤篷雪浪青螺千點登眺情
何限漸殿角殘陽一綫又早佛磬煙沈梵鐙風顫

洞仙歌

自題小照

梨雲夢遠悵春愁誰省自寫吟魂伴梅影念暈紅詞句
慘綠年華都付與小閣輕寒薄病雨絲風片裏顚顚
相如懶踏尋芳舊香徑小榻颺茶煙碧葉恹恹好占取
松溪蕙磴只一片傷心畫難成怕點鬢秋霜又添明鏡
月照梨花

畫棟香重畫簾風動幾疊離愁幾番幽夢芳草綠遍王
孫近殘春湘奩檀畫無人共玉簫數弄淚溼輕衫鳳
柳花如雪滿苔痕細雨重門又黃昏

好事近

題張柳洲侍御羅浮夢畫冊

溪外小梅花初破一林殘雪最好酒家門掩映疎煙微
月夜深皴玉爲誰溫相對正佳絕不奈翠禽朝語又
夢中人別

荆大鼎

字光遠丹陽人乾隆二十一年舉人

鷓鴣天

送春

九十春光逐水流紅稀綠暗雨初收盈隄柳綫空牽恨
滿地榆錢只買愁嗟寂寞歎沈浮忍教麗景等閒休
桃花落盡春歸去肯爲羈人一日留

郭

滢

字季特號萊崖丹陽人歲貢生

垂楊

本意懷舊

紗窗夢覺記數聲睨院好音嬌小寶馬空嘶斷橋搖曳
東風悄攀條前度津亭道翠雲鎖玉樓深窈倚斜陽煙
縷絲絲問甚時還到堪恨清明過了又翦翦青青淡
眉如笑人遠天涯幾回空悵蘇隄曉多情只有飛花早
引春夢隨風縹緲贏來一片閒愁誰爲埽

任兆麟

字文田號心齋
震澤人諸生

鳳凰臺上憶吹簫

題散花女弟浣紗詞卷自度腔

碧窗人悄寶篆香微荳蔻心紅漫撚恨舊夢無憑新愁
難翦亦知第一損人爭還奈風光無限劇可憐起自徘徊
眠還轉轉誰伴才子風流疊新詞錦字香生蘭畹
算幽恨離情種種梭人魂斷吟遍月樓風徑只恁處天

涯人遠人遠也怕是綠新紅晚

下半用元人吳元可填本

又

夢裏談禪醉中學道幾曾堪著浮生詫難傾情海不下
愁城春色又還如許鐙黯黯冷掩銀屏獨自向窗兒守
著怎得天明 難平古來才子歎紅粉青衫一樣飄零
教新聲翻出爭逗芳情妬殺五更風雨驚曉看紅墮簾
旌凭闌也清明又近隔院簫聲昨過小寶晉齋散花出
光客易老聽殘紅雨到清明之句小維摩謂標致逼真
晚唐蒲文衡格皋先生亦吝賞不置有沈紅雨之目

姚

鼐

字姬傳學者稱惜抱先生桐城人乾隆二十

八年庶常改主事官至禮部郎中有惜抱軒

臺城路秋蝶

粉牆雙翅尋芳處。遶夢回情老。冷露垂乾微陽烘暖。
一徑西園重到寒枝自抱。恍穿入深深壓簾春曉。甚又
驚飄卻和輕葉墜霜草。流年偷換。漫道雙飛經幾度。
而今黃了砌暗蘭衰。籬荒菊瘦。故侶相逢應少。樓陰靜
悄。正欲向東家。又依殘照。倚檻誰看滿庭風細。嫋

定風波

遲明堂將入都

最多情。折盡垂楊絲絲依舊縈。路冷夢青蕪。醉魂黃葉
記送君。歸處綠窗人疎。影句轉想天涯甚。情緒拚與儘
春山無伴。流鶯同住。碧煙弄縷。乍隨風。又拂清淮浦。
恁波生雲鎖。天長路闊。人共江鴻舉。待爲君酌芳醕。掬
取金波浣空霧。衣屢料應猶帶杏花春雨。

董

潮

字曉倉號東亭海鹽人乾隆二十八年庶常有漱花集詩餘一卷

黃韻甫云太史本武進人少孤祖母陳撫之成人贊於海鹽遂占籍焉性至孝讀書慷慨負志節工詩文六法詞如冷蝶秋花自饒淒

謁金門

東風早吹綠一庭芳草寒擁香篝深閣悄夢和煙縹緲
昨夜雨聲催曉試問亂紅多少二十四番花信了蜨
癡鶯已老

菩薩蠻

流蘇好夢匆匆遇東風吹斷無憑據睡鴨冷沈煙起來
聞杜鵑捲簾春草綠晚雨梨花浴樓閣暮生寒淒涼
獨倚闌

一枝春

弔老梅

瘦影橫斜步珊珊記得綈衣如雪紙窗凍破微逗暗香
幽寂紅闌倦倚鎖相伴醉吟殘日愁玉笛吹散香魂夢
斷叩門聲絕春風爲誰輕拂但根封蘚紫枝凝苔碧
唬殘翠羽似弔玉肌冰骨花猶瘦損更休問素娥蹤蹟
簾幙靜一種淒涼舊時月色

青玉案

用賀方回韻

小橋流水西塘路記淚眼匆匆去一片春帆雲外渡亂
煙芳草遠山殘照知道人何處紅藕香銷秋欲暮苦
憶當時臨別句一寸柔腸餘幾許那堪今夜斷鴻聲裏
點點芭蕉雨

東風齊著力

法源寺同秋解元雪岑彭孝廉楊亭作

穀雨纔過牡丹還早步履疎林石壇風靜旛影晝沈沈
闌角嫣然一笑凝眸處黛淺紅深君知否桃花燕子都
是禪心竹榻伴微吟看一縷茶煙鬢影斜侵夕陽樹
外鷓鴣破春陰欲趁遊蜂去也誰憐我別思難禁知今
夜鐙殘有夢定許重尋

瑤花

咏芍藥和劉退谷韻時退谷將出都

綠陰乍滿庭院深深看紫藤開謝筠籃紅藥堆曉雨又
是陌頭初夏攜來紫几似鵲尾龍涎燒罷并華清插向
軍持灑灑露珠輕瀉芳名怪底將離但吹老東風送
人歸也年年此際依舊是燕子楊花簾櫳穠香一種問

幾處銀箏翠葦恁淒涼酒畔愁邊相對瑣窗燈下

吳

珏

字並山歙縣人乾隆二十八年進士官中書有香草詞

清平樂

春郊

紅嬌紫姹著眼春如畫
裏偏他迴避乍十五盈盈未
嫁湘裙六幅微拖見人生怕情多賴得紙鳶飛起賺
他遙轉橫波

浣溪紗

鳩婦曉時穀雨晴
風姑開後麥風清
絲絲楊柳送行旌
六憶未能忘沈約四愁謾
儼賦張衡一生長悔是多
情

何承燕

字以嘉號春巢仁和人貢生官訓導有春巢詩餘

高陽臺

題蘆花管二燕子磯秋泊圖

漁火連江蘋波漾月布帆又卸磯頭載得琴書三年幾
度來遊金風吹老靈和柳望臺城一抹煙浮莫句留便
是盧家未必無愁勞勞亭畔初揮手想蘭橈一去直
擬歸休漫掩篷窗閒眠好共沙鷗景陽夢斷空樓遠甚
鐘聲偏到孤舟荻花洲說是初秋已似深秋

虞美人

春暮送王澹菴之武昌

萋萋芳草迷鸚鵡好句多懷古故人何處最相思大別
山前落日卸帆時逢迎到處知君有醉倒潘生酒南
樓登眺與誰同無限鄉心應在月明中

余

集

字蓉裳號秋室仁和人乾隆三十一年進士
候選知縣徵修四庫全書授編修歷官侍讀

學士有憶漫
菴贗彙詞附

摸魚子 梅妃里

怪千秋粉痕蘭跡無情黃土消盡蠻煙引我尋吟興來
探天涯芳信天恁忍便一例馬嵬淒寂驪宮冷殘梅弔
影看冉冉天風珊珊環佩時送舊時韻 樓東賦惆悵
鳳奩香燼蛾眉曾寄孤憤漁陽驚破長門夢故國那堪
重省君莫問若說與英雄感遇同紅粉春風舊徑尙依
約荆門羣山萬壑吟動杜陵恨

張春苞

字竹如號蓮海歸安人
國學生封榮祿大夫

張應昌曰謹按先大夫榮祿公爲竹溪沈公
堂方伯之聲外曾王父塲堂先生諱世楓爲
學淹博無所不通有十笏齋詩鈔行世大父
從遊受業頻隨宦轍晨夕唱和並制藝文辭

書法皆深得傳授平生詩文前以遭家多難
零落殆盡不自存稿今第就所見者掇拾存
之

桂枝香

雲籠寶地降玉女翩翩香飄紅菱弱骨輕盈含得海棠
花氣臨風小步腰肢裊現天仙者般遊戲月痕花影淒
淒戚戚素心難寄帶無限紅情綠意看半墮雲鬟橫
窗斜倚折柳歌殘饒有玉簫餘味我生興緒隨流水賸
剛腸過眼容易嫣然一笑無情宋玉也留情未

念奴嬌

花鈿初整愛盈盈目笑天然丰格鸚鵡歌調銀管細渾
覺東風無力好夢驚回香魂欲散含怨聽曉鴉花前共

賞就中誰是佳客 最憐瘦損腰肢東陽年少暫醉朱
絃側重試霓裳勞顧曲曾與蟾宮相識惱殺情郎怪他
詩老傳出真消息從今腸斷澧蘭愁和吟闕

印昌世

字希愚一字義峒號湮明
一號東明丹陽人歲貢生

蝶戀花

妹麗

一顆櫻桃樊素口不愛黃金只愛人長久學畫鴉兒猶
未就眉尖已作傷春皺 撲蝶西園隨伴走花落花開
漸解相思瘦破鏡重來人在否章臺折盡青青柳

魏晉錫

原名晉賢字澤滿號夢溪丹陽人乾隆三
十四年進士官戶部郎中汝寧府知府

買陂塘

甲辰清明後五日遊二宏院追憶納川逸
字濱石諸友

繞城坳一痕新綠野棠開遍無主遊絲吹送垂陽浦遙

指梵聲飛渡憑記取認石上清泉長印禪心古閒愁萬
縷算重到元都劉郎老矣白髮鏡邊數三生夢當日
鸞箋秀句碧紗誰罩塵土雲中鴻爪東西聚輸與故園
鷗鷺君小住看排闥青山幾疊松楸路零鐘斷鼓怕遠
水平蕪斜陽短笛又入酒壚賦

嚴駿生

字小秋上元人諸生原籍嘉興有餐花吟館詞鈔四卷

南鄉子

斷夢度紅橋蝶翅禁風怯路遙緘就花箋憑寄恨迢迢
叮囑雙魚趁晚潮書去促歸橈知是歸期訂那朝便
訂歸期期不準無聊耐盡寒更又一宵

賣花聲

秦淮秋泛

雙槳板橋灣，輦趁潮還。簫聲冷咽，夕陽殘一角，眉痕黃。
葉外瘦了秋山，花裏小門關。零落漁竿，玉人不耐晚。
風寒窄地，湘簾鉤不上，閒殺闌干。

陳

朗字太暉號夢歐平湖人乾隆三十四年進士官撫州府知府有集漢魏六朝句六銖詞二

卷

蝶戀花

滿酌金卮催玉柱

陳徐陵梅花落弱腕纖腰

齊謝朓侍華別有

傾人處

梁車數洛陽道

可惜可憐空擲度

陳後主東飛伯勞歌

紅顏素月

俱三五

陳江總雜曲

懸目挂心思越路

梁沈君攸雙燕離

灼灼春

花

魏阮籍

流亂無端緒

宋顏師伯自君之出矣

輕片有時敲竹戶

隋楊帝

湖上曲風吹水動俱難住

梁庾肩吾詠曲水中燭影

長相思

懷王錫公

路悠悠

宋西曲歌

兩悠悠

梁武帝

各自東西南北流

宋鮑

照擬行

飄然不繫舟

隋陳政

出亦愁入亦愁

漢樂府

不覺年顏秋更秋

隋釋慧英

秋來只自愁

閨怨

生查子

秋夜

單眠夢裏驚

陳陰鏗

朔氣傳金柝

梁無名氏

庭樹已

先知

梁王筠和孔中

風捲隨秋籜

北周庾信和

川路

恨成遙

陰鏗登百花

念別猶如昨

梁何遜寄江

月送可

憐光

梁簡文帝

萬里相思各

梁吳均酬蕭

月送可

吳俊

字蠡濤號蜚吳縣人乾隆三十七年進士官山東布政司有榮性堂詞

小闌干

去年今夜月當頭獨自掉孤舟彈指秋風又揮別淚依
舊月如鉤江花江草江南路暮靄隱紅樓便說相思
何如相見還恐訴離愁

許肇封

字川山海寧人乾隆三十九年
舉人官望江縣知縣有疏香詞

浣溪紗

駕湖舟中作

杏子輕衫鬢貼鈿鞦頭新鳳裏金蓮妝成背鏡怨春天
楊柳千條郎馬上桃花一樹妾門前小橋流水夕陽
邊

劉奎年

字藻初號雲石丹陽人乾隆三十九年舉
人官易州同知有桐花館詞稿金鹽詞稿

眉峯碧

春思

一水分雙岸弱柳輕遮斷鎮日蘭房不耐寒怎郎處春
偏暖抱影登樓看拄頰聞微歎花外車輪并轆轤分
明直向心頭轉

鷓鴣天

晚晴

雨過前溪漲晚潮攜筇偶訪百花橋兩行宿鷺明沙嘴
一縷斜陽上柳梢微浪皺薄煙銷依稀螺殼酒船遙
輸他待月誰家女閒倚紗窗弄玉簫

江南春

旅況

雲壓亂雪闌珊異書愁借盡濁酒恨澆殘芭蕉葉大餘
驟謝翠掩重門燕子寒

顧宗泰

字景嶽號星橋元和人乾隆四十年
進士官高州府知府有月滿樓詞

鳳凰臺上憶吹簫

月入羅幃風吹繡幕夢回強起窗前倚鏡臺不語自卸
珠鈿卻怪伊人別後無情緒寒夜如年最相思私然紅
粟暗卜金錢堪憐桃花一枕這懊惱心懷怎奈孤眠
念玉關人遠偏隔雲天恨殺當年柳陌青驄馬駕去羅
韉羅韉好送將人去不送人還

徐志鼎

字調元號春田平湖人乾隆四十年進士官南溪縣知縣有玉雨詞

好事近

深院響梧桐剛逗半簾孤月踏遍蒼苔心碎怕春痕難
滅分明佳約在今宵愁聽銅壺歇疑是玉人來也又
風敲檐鐵

張

誠字熙河平湖人晚號嬰上散人乾隆四十二年舉人候選知縣有嬰山小園詩文集王侍

郎張采入湖海詩文傳

黃韻甫曰余不及見先生文孫海門鹿仙兩太史述先生性倜儻好遊名山九州歷其七五岳登其三所至賢士大夫如袁隨園畢弁山洪稚存孫淵如輩皆傾襟倒屣相見恨晚詩由三唐上溯漢魏晚悉屏棄專意窮經著鶴丁詞一卷附詩集行世高邁蒼豔能擷蘇辛之精選錄數首以誌景行

鳳凰臺上憶吹簫

渡楊子江

浮玉山高投金瀨古大江一葉扁舟想海門東下萬里
洪流多少帆檣翼翼無非爲蝸角蠅頭何人識臨風把
酒慷慨悲秋悠悠今來古往鷺寺數聲鐘六代浮漚
看妙高臺畔海嶽瓊樓玉帶山門依舊斜日下鐙火瓜

州移情處江湖滿地笑指閒鷗

感皇恩

新豐店馬周獨酌
傳奇應梁溪楊笠湖刺史屬

以下五闋題吟風閣

風雪滿長安酒樓徙倚火色鳶肩少年士唾壺擊碎腹
有經綸誰似看功名異日垂青史燕市酣歌皇都得
意只有常何是知己曉鐘金闕望見天顏有喜小臣來
草莽朝天子

薄命女

邯鄲郡錯嫁才人

明月皎翻羨嫦娥無伴好一炷沈檀裊聽得椒房虛
左聞得宮娥宣召夢斷邯鄲鏡悄悄冷落天涯渺

東坡引

換扇巧逢春夢婆

春風多戲弄花開有情種功名富貴人間夢把浮生斷

送把浮生斷送 羅浮一覺五更鐘動宦海客聲名重
天涯猶憶君王寵當年曾供奉當年曾供奉

漁家傲

西塞山漁翁封拜

萬頃恩波春浩蕩一竿釣取蒼生望簑笠歸來風雨
江濤壯片帆高挂青雲上 宦海茫茫塵世網閒鷗獨
愛煙波長只合漁樵來供養低聲唱斜風細雨桃花浪

十二時

寇萊公思親罷宴

感親恩天地高厚寸草春暉難報樹欲靜淒風驚擾慘
殺私情烏鳥玉盃瑤觴鐘鳴鼎食逮養人偏少君請看
昔日萊公蠟淚滿前楨觸孤兒懷抱 憶往時慈闈訓
子夜夜寒窗鐙梢指望成名寵榮裹大苦奈黃泉早痛

哭復痛哭人間幾許無告
畫錦堂擎天赤手細想相
州忠孝自歎餘生空懷孺慕
淚血憂心擣又顯揚莫卜
何堪誦瀧岡表

程衛芳

字質淵歙縣人有蘭阿詞

好事近

記夢

遙夜玉屏閒雲漏半窗斜月欹枕夢魂撩亂更露蛩風
咽朦朧樓閣鎖春陰花氣侵蝴蝶暗拍畫闌十二墮
辛夷如雪

木蘭花

昨宵一陣風和雨落盡碧桃春又暮綺寮深掩篆香縈
繡幌斜擎箏柱語垂楊似傍前溪舞酒伴飄零和雁

去赤闌橋外水平隄又是前裙芳草渡

陳

珏

字西麓嘉興人
有瑤林詞一卷

菩薩蠻

檀槽忍把離懷訴依依欲上扁舟去執手淚猶多明朝
更若何 滄洲凝望斷帆影和雲遠微雨又黃昏亂鴉
歸遠村

程

瑜

字去瑕號少海仁和人乾隆四十五
年舉人官義烏教諭有小紅樓詞

黃韻甫曰小紅樓詞筆意超雋脫口如生

鷓鴣天

曉老芳園樹樹鶯新煙迷綠過清明風消絮雪春無影
雨碎梨雲夢有聲 人悄悄畫冥冥丙丁帖子寫初成

單衣小扇茶蘼徑笑問姮娥索晚晴

菩薩蠻

芳塘驚起鴛鴦宿春波雙槳粼粼綠別恨暗隨潮暮帆
飛夢遙漏沈清夜午鐙語人無語怕近合歡牀繡衾
前度香

夢橫塘

女郎王青翰幼以目眚失視而明慧過人
工彈詞清吭諧婉間爲激昂悲壯語令人
色動神飛然不輕發也曾見賞於杭堇浦
王夢樓賦詩投贈聲價益高性耿飲持觴
政極嚴客無敢犯尤善諧謔偶一語入妙
四座爲之傾靡名流讌集必招致偕飲爲
快或非其當意者卽以重幣弗顧也旣與
孝廉某善出橐金促赴南宮試旋聞孝廉
試不利且死一慟幾絕自此長齋杜門不
復弄潯陽江上琵琶矣同人嘉之傳諸吟
咏予亦載賡

澹雲遮月薄霧籠花卻疑妝倦如睡幾曲春風總付與
恩恩彈指歌扇邀涼酒襟留暖未成歡計漸徐孀老矣
冶思都銷銷不盡憐才意 青青楊柳樓頭想天涯弱
堦遠夢千里覓甚封侯空折了孤飛鴛翅伴鐙影長明
證佛冷雨重門夜深閉萬古傷心一分才色便一分憔悴

木蘭花慢

落梅

向孤山嶺畔問仙侶被誰招但碎玉塵埋殘香水逝鶴
夢清宵河橋柳眉未展怪東君容易把春拋偷墜宮檐
粉額倩魂猶助妝嬌 嗽嘈翠羽無聊人欲別酒初銷
對奩月昏黃鏡波清淺笛怨迢迢青梢蛻痕幾豆是相

思留得舊情苗何遜風流旋減瘦餘一度詩腰

張

槎

字猶渠號香賓丹陽人乾隆四十五年舉人新淦知縣有差木軒倚聲初稿

菩薩蠻

偶咏

冰蜍緩趁珠絲隙
湘桃扶影當窗立
良夜正迢迢
隔樓何處簫
曉鵲聲訴急
一枕江南憶
遊子奈愁多
玉人愁奈何

解語花

寒食重訪不遇爲雨香賦

分幃貯愛斷袂償憐
別院韶光逗晚風
垂手移人處
畢竟小馮韶
秀重尋邂逅
空自有曲闌
依舊思那回
碧睡青衫目極頻搔首
鎮日籌花醉柳
教別人消遣
伊家清晝爐煙噴
獸無情物幾見情絲
熏透單衣時候也應

念韋郎消瘦芳興闌燕燕歸來替說相思久

宋葆淳

字芝山安邑人乾隆四十

八年舉人官解州學正張叔未云芝山與鮑添飲皆膽聞者宿阮餽徵開府浙江時嘗專置酒治泉亭熱二老道古竟日二老席帽單衣風貌閒達武林傳爲韻事

眼兒媚

張叔未所藏天寶七載斷碑硯

張生好古廣搜奇何處獲殘碑移來新鄭傳流秀水東里之遺琢成石友日臨池築室號清儀八分大字僅存天寶識是唐時

汪憲

字干波號魚亭乾隆甲子舉人乙丑進士官刑部員外郎著有易說存悔振綺堂稿

吳仲雲續杭郡詩輯云魚亭比部官京師數年以親老歸不復出居父憂食菽服櫛期不變制遽以毀卒錢文端公比之荀凱謝貞云性耽蓄書點黜丹黃終日不倦乾隆三十七

年詔求遺書其長君汝璵以秘籍經進
御題曲洧舊聞書苑菁華二種恩賜佩文
韻府一部文綺二端足爲海內儒學之勸矣

瑤花慢

南屏一疊縮本吾廬染山僧殘墨王郎兄弟攜嶺上幾
點宿雲相借非邱非壑也成就烟霞泉石傍水邊箕踞
科頭者箇風流吾識山樓共倚晴初有空翠層層湖
影同羣須彌芥子收拾到檐裏半弓几席卿能過我便
畫入圖中也得待更添兩樹枯橙三十六鷗浮拍

國朝詞綜續編卷二終

錢唐宗景藩子城校聚